

Osterøy kommune

5282 Lonevåg

## 1. GONGS HØYRING – OMRÅDEREGULERING LONEVÅG

Nærmiljø påverkar helse og trivsel. God bukvalitet er sentralt i folkehelsesamanhang.

### **Helsedirektoratet si sjekkliste for kommunar som vil skape gode nærmiljø inneheld mellom anna**

- Vi har gode arbeidsmogelegheiter og levande handel der vi bur
- Kommunen har gode møteplassar i bustadområde og byrom som innbyr til liv, lek, samvere og tilhøyrigheit
- Det er trygt og attraktivt å gå og sykla i kommunen – også om nettene
- Vi har nærleik til grøntområde for lek og rekreasjon, og anlegg for idrett og friluftsliv
- Vi jobbar kontinuerleg for å redusera skadeleg støy og lokal forureining
- Vi tilrettelegg for naudsynste tenester på tvers av alder, kultur og funksjonsnivå
- Vi har ein heilskapleg bustadpolitikk og tilstrekkeleg og variert bustadbygging for folk i alle livsfasar med ulike ressursar
- Vi satsar på førebyggjande helsetenester gjennom attraktivt frisklivstilbod, helsestasjon og skulehelseteneste

Lonevåg helselag ønskjer «Ei levande bygd med eit levande sentrum»

Lonevåg helselag ønskjer at:

- Lonevåg fortsatt blir bygd ut og godt tilrettelagt som kommunesentrum, med korte avstandar mellom tenester som t. d. lege, helsestasjon, bibliotek, politi, kommuneadministrasjon, og næringsliv slik det til dels er i dag.
- Infrastrukturen må vera god. Det skal vera lett å nå i desse tenestene for alle anten ein kjem med bil eller buss.
- Kommunesenteret må ha treningstilbod, sosiale arenaer, kulturarenaer og idrettsanlegg. For Lonevåg helselag er det viktig at vi har møtestader der folk i alle aldre kan treffast.
- Det blir lagt til rette for eit triveleg handlesenter slik at ein ikkje står att med tomme lokale. Parkering inngår i denne tilrettelegginga.
- Det blir anlagt grøntareale/leikeplassar. Parken som er planlagt i sentrum vil kunne bli ein god møteplass for unge og eldre, og han vil kunne gi meir aktivitet og liv til sentrum i og utanfor opningstidene til handlesenteret.
- Leikeplassane som kommunen tenker etablert i nærleiken av bustadfelta blir gode møteplassar for både vaksne og born. Og dei må haldast vedlike.
- Ein får etablere ein badebasseng ved Svennevika, med tilkomst til fots, t.d. over tunnelen.

Lonevåg helselag meiner at det er viktig

- Å etablere ein møteplass for ungdom.
- Å leggja til rette for bustadbygging i nærleiken av sentrum. Vi støttar Lonevåg grendaråd sitt forslag om utbygging på området frå Svennevika, gnr.bnr. 76/8, og søraustover t.o.m. gnr.bnr. 14/15 og 14/44 på Fossen.
- Å halda på småbåthavna inne i sentrum. Småbåthavna er miljøskapande og inviterer til båtliv og handel.

Lonevåg helselag samarbeidar med Lonevåg grendaråd om utbygging av stien rundt Husavatnet. Lonevåg helselag ønskjer ein sti frå busshaldeplassen langs Tjønnet. Det er viktig for helselaget at det blir etablert stiar som er tilgjengelege for alle, i og utanfor sentrum. Det er teke initiativ til å forbetra stien til Hovden, og til Ramberget. Slike initiativ er viktige for at fleire skal kunne koma seg ut i naturen.

Lonevåg 27.07.2020

Lonevåg helselag

Tove Ludvigsen